

東
甌
金
石
志

序

東甌金石志者予友嘉善戴君咸弼之所爲也君草創此彙蓋十年以來比予歸自金陵君時來假所藏書加之考訂而意殊不自足復屬予子詒讓爲之補校詒讓又以所得石刻及晉宋六朝碑文益之遂成書十有二卷將以附予所編永嘉叢書中蓋君之爲此勤矣昔歐陽子記羊叔子杜元凱之事以謂皆自喜其名之甚而爲無窮之慮又言元凱嘗爲二碑一置峴山之上一沈漢水知陵谷有變遷而不知石有時而磨滅也然則名固可喜要必求其不可磨滅乃爲能爲無窮之慮也君之此書知古人之自喜其名集而錄之使不至於磨滅意旣善矣使後之攬者皆

知自喜其名爲無窮之慮而務爲不可磨滅則此書之傳非獨存古人之名而已豈非尤善者歟予與君齊年而予先三年以疾告歸衰老益慵罕與士友相接今君又來別予去矣每念宋時吾鄉先生林介夫鄭泰臣徐季澤陳君舉諸君子與同時賢士大夫趙清獻景仁父子朱履常沈持要之徒相與游從登臨題詠之樂風流文采邈焉莫追然則古今人真有不相及者歟是可嘆息也已光緒八年歲在壬午十一月二十日瑞安孫衣言書於城北之邵嶼寓廬

東甌金石志序

光緒乙亥予客青田始見李金灝先生枯蒼金石志
竊歎温台二郡文物在處州上顧無好古之士留意
於此蓋可憾也及夏杪歸里則吾友臨海黃瑞子珍
郵示所著台州金石錄既成書矣予閱之大喜卽爲
謀諸同好釀金而壽之梓今春客游甌江則郡廣文
鼇峰先生戴君所著東甌金石志適成予聞之益喜
亟請而讀之其書上起西晉迄於有元得凡二百餘
種與李氏書相埒而其攷證之精詳援據之浩博多
足補郡邑志所未備則視李君當過之無不及焉至
於名蹟流傳炳著羣籍而今不獲見與雖見而疑其
僞或雖無疑而未勒石者則都別爲一卷謂之附錄

又自明洪武迄崇禎得凡二百餘種爲續志若干卷皆李氏所未有也此可見先生好古之心卓越儕輩而其體裁之精審固非苟焉從事者所可同年而語矣且夫士之處世患無志於學耳苟其志在千秋學兼體用上之則能致身得漢載筆彤廷講論唐虞之道而裨補乎日月之明次之則能紬金匱石室之藏攷賢人哲士之終始勒成一書以俟後聖君子大之則能出入將相文武孝忠盛德大業勒鼎銘鐘伐石紀功照耀乎無窮小之則雖一官一邑隨時隨地盡心與力必能遺愛去思勒之文石書之志乘傳示於無極下之猶當秉筆方州考論文獻發潛閭幽以備一邦之典五者都不可得然後從吾所好躡屐遠遊

放浪山巔水涯之外裴回蔓草荒烟之內殘碑斷碣埋金沈鐵冥搜幽討詫爲奇寶當夫春秋多暇長日如年探篋發書鱗次羅駢稽同合異研丹磨鉛推年按月萃爲巨編以攄茫茫百世之思而慰古人無窮之憾如先生之志金石非其類耶雖然古人往矣其壽之金石者孰不圖無窮之名哉孰意數傳而後金銷石爛姓氏灰滅不可勝數藉非好古之士筆之爲書蓋未有不朽者也湯盤禹鼎辭存而器亡古聖王且然况後世之士乎然則金石之壽孰與筆之爲書之尤壽耶且戴君之爲附錄爲續志其尤有無窮之意也夫是可以補李君之缺而爲吾友所取法也時光緒三年春三月旣望黃巖王棻書於中山書院之

大雅堂

東甌金石志序

士之獨處一室坐擁百城其所以尙友古人者固將誦其詩讀其書論其世而知其人矣而更欲與古人之聲歎相接手跡相親攷世代之訛湮證詩書之闕失舍金石曷以哉金石之有書自歐陽文忠公集古錄始洪趙諸家實繼之洎乎 國朝諸作林立如金石萃編金石文字記關中金石記中州金石記江右安徽粵東西山左兩浙金石志寰宇訪碑錄續寰宇訪碑錄及各省府廳州縣志中之未成專書者之厯厯難數也甌郡金石惟阮志采入數種餘多未錄攷古者憾焉戴侯鼇峯以名孝廉司鐸是邦慨古人之聲歎已杳手跡無傳而毅然起矣於是登峻嶺探幽

谷披榛斬棘捫葛攀蘿日以嚮椎從事其文郎玉生
茂才實左右之更訪諸好古之士博藏之家窮目力
之所及辨耳食之沿訛迄三年而東甌金石志成余
受而讀之其書釐定爲十二卷自六朝唐宋以迄有
元得數百種可謂夥矣若夫攷核之詳搜羅之富實
足以補兩浙金石志及寰宇訪碑錄之所佚闕他書
更可無論聞台州靈波諸郡知戴侯之成是書者咸
來咨訪體例將從而纂輯焉他日台靈之書告成雖
非戴侯之功而要不能不歸功於戴侯讀是書者其
以余言爲然否

光緒三年歲次丁丑八月江都郭鍾岳拜撰

東甌金石志凡例

一是書仿栝蒼金石志而作也昔吾禾李金澗先生
司訓處州著栝蒼金石志較阮文達兩浙金石志
所收增至數倍釐爲十二卷余於温州郡庠得宋
元碑刻五皆阮志所未載遂慨然有志於是前後
搜采自西晉迄元得三百八十餘種亦釐爲十二
卷

一温州府志碑碣附經籍後寥寥無幾磨崖題刻僅
存一二阮志所錄亦僅四通而已今就榛莽中蒐
羅摹搨四易寒暑始克成書爲異日續修府志之
一助云

一前代吉金多爲宣和兵火所燬 國初康熙時閩

逆據郡復取銅鐘鑄錢毀失尤多今元豐宣和古鐘各存其一建炎紹興寶祐三鐘銘款亦多完善亟錄之以資考證

一飛霞洞咫尺郡垣前賢遺蹟如謝客巖錢鏐題記薛孺卿陳求古等題名俱見郡志孫雨人永嘉聞見錄有馬尋劉述鄭廣韓奕等題名余暇日登臨摩娑殆徧又得北宋謝泌邊調曹觀任達吳君平莫和中南宋趙汝譏等題名詩刻共七種飛霞翠墨略備於是矣

一南北雁蕩磨崖最夥仙巖岑崎次之四出蒐討頗鮮同志平陽徐生淞樵嗜奇好古欣然爲兩雁之遊所至探幽絕險竟得百餘種之多去其漫漶

剝不可辨者尙存數十種是書之成與有力焉仙巖岑崎則四兒文僞手自摹搨亦不下三四十種然恐荒烟蔓草中遺漏尙多尤望同志諸君廣爲搜采以補其闕

一碑之高廣鐘之高圍字之大小俱仿王可寇金石萃編及枯蒼金石志例注明尺寸尺之長短則仍以漢建初慮僥尺爲準

一磨崖篆書碑版篆額多依石刻摹寫隸書則以正書錄之

一是書題跋所據自兩浙金石志外凡前賢舊作皆注明某書餘則前人多未著錄謬參鄙見略加討論瑞安孫仲容孝廉錄示數十種其古甃文字八

十餘種搜采不遺餘力考覈尤極精詳俱唐以前
物亟錄入第一卷依兩浙金石志例也林亨甫及
淞樵則於椎搨時閒綴跋語僞兒亦如管中窺豹
略見一斑皆書某人按以別之

一凡碑刻已佚而見於前人金石錄書及諸家記載
者別爲佚目入於附錄并略爲攷證時代源流俾
古蹟不致終湮云

一古人石刻或爲好事者假託如雁山芙蓉峰下梁
昭明太子碑見廣雁蕩山志核其文例必非真蹟
前人已多辨駁初擬入於附錄仍載考正之詞今
特削之昭其慎也

一磨崖題名碑刻無紀元可攷者各從其人時代先

後列入其人無從確定其時代者則附於各朝之末并朝代亦無攷者別入附錄

一故家所藏金石藝文有得於外地者以其非本郡古蹟亦編入附錄以示區別

一永樂瑞平各有名勝紀載亦略相等泰順較少幸林君亨甫物色得十餘種皆宋元時物也惟玉環孤懸海外無從探討如有所獲當錄入補遺

一兩浙金石志所收碑刻至元而止然前明距今遠或五百年近亦二百餘年磨崖碑碣漸就湮沒者不少今擬就所見略加甄錄釐爲續編以資攷證一金石文字可以訂史氏之缺遺證志乘之訛謬末學庸受何敢問津惟孫琴西先生昆仲馳書敦迫

勉焉屬稟知不足登
大雅之堂識者鑑其荒陋
而卒教之幸甚

瑞安孫詒讓仲容校補

平陽徐引之淞樵

秦順林用霖亨甫參訂

男 文佐星才校字

文儁玉生參校

東甌金石志目錄

卷一 晉 宋 梁 陳

陳卓人甄文 晉太康二年 太康四年甄文 增一種

永康甄文 永康元年 大安殘甄文 大安二年

永嘉甄文 永嘉元年 改之甄文 大興三年

咸和元年殘甄文 章恨甄文 咸和四年

咸和六年甄文 咸康三年甄文

咸康六年甄文 建元甄文

翁氏甄文 建元二年增一種 孝子甄文 永和四年

宋民甄文 永和五年 永和七年甄文

永和九年甄文 孝子徐弼甄文 永和九年

陳氏甄文 永和十年增一種 永和殘甄文

永和十二年甄文

增三種

升平元年八月甄文

升平元年九月甄文

增二種

魯氏甄文

升平二年

丁氏甄文

升平三年三種

升平三年甄文

附一種

樂安令甄文

升平四年三種

周祖殘甄文

升平五年

興寧殘甄文

興寧三年

大中公甄文

秦和二年三種

秦和二年八月甄文

秦和二年八月殘甄文

秦和二年九月甄文

陳口甄文

秦和四年

秦和四年甄文

寧康元年甄文

寧康三年八月甄文

寧康三年殘甄文

太元元年甄文

太元二年甄文

太元四年甄文

太元六年甄文

太元七年殘甄文

太元十年甄文

太元十二年甄文

太元十八年甄文

李字甄文

李何甄文

太元十九年

太元十九年九月甄文

太元十九年甄文

申作甄文

義熙二年

義熙三年殘甄文

義熙四年甄文

義熙十年甄文

元嘉六年甄文

宋

元嘉七年甄文

黃賀甄文

元嘉九年二種

元嘉十年甄文

元嘉□年甄文

元嘉十四年甄文

元嘉十五年殘甄文

元嘉廿年殘甄文

元嘉廿二年八月殘甄文

元嘉廿二年九月殘甄文

增一種

元嘉廿三年甄文

魯長甄文

元嘉廿四年二種

元嘉廿五年甄文

元嘉廿六年殘甄文

居士丁農甄文

元嘉廿七年

明府薄君甄文

孝建元年
增二種

孝建元年九月甄文

孝建元年殘甄文

張上計甄文

大明元年

大明元年殘甄文

魯猶子甄文

大明四年二種

大明六年甄文

大明七年殘甄文

曹嗣祖甄文

泰始二年

泰始六年甄文

太豫元年甄文

建元元年甄文

齊

永明七年殘甄文

盧口孝甄文

建武二年

富公相甄文

永泰元年二種

天監元年殘甄文

梁

天監十年殘甄文

普通二年甄文

普通二年九月甄文

曹存基甄文

天正元年

天嘉殘甄文

陳

卷二 唐 吳越

杜審言大龍湫題名 唐 包舉龍鼻洞題名

處士姜公墓碣 大中七年 咸通殘甌文 咸通二年

姚揆仙巖銘 錢鏐康樂巖題記 吳越寶大元年

吳越王金塗塔記

卷三 宋一

北山寺經幢 乾德六年 瑜珈寺塔甌 同上

大禹王廟石塔殘字 雍熙四年 謝泌謝客巖詩刻

陶山寺佛頂尊勝陀羅尼經幢 天禧四年

邊調飛霞洞題名殘刻 天聖七年

薛孺卿等飛霞洞題名 天聖十年

曹觀飛霞洞詩刻 石門潭題字 天聖

馬尋等謝客巖題名慶曆四年田瑜龍鼻洞題名慶曆六年

倪天奇甄昂靈巖題名皇祐元年

丹霞山殘刻皇祐二年苗振常鼎大龍湫題名

常寶臣等小龍湫題名 劉述飛霞洞詩刻皇祐四年

鄭詳法成龍鼻洞題名 廣福寺石塔殘刻至和元年

僧利卿井闌石刻同上 陳求古等飛霞洞題名碑

至和二年 王孝和等仙巖題名同上

鄭庶等飛霞洞題名同上 韓奕飛霞山題名嘉祐元年

張瓌大龍湫題名 李復圭雁山題名兩種

卷四 宋二

陶山寺井闌石刻治平二年 劉公舒湖潢山題名治平四年

趙羲之鳳凰巖題名熙寧元年 觀音寺石塔題記同上

仙巖彭城執中題名

任達等飛霞洞題名

熙寧三年

淨光寺塔甄三種

熙寧五年六年附一種

沈括龍鼻洞題名

晁端彥丹霞山磨崖

熙寧八年

楊景略丹霞山磨崖

熙寧十年

黃頌等龍鼻洞題名

柳子春岑崎山題名

元豐

周開祖湖潢山題名

元豐二年

口公材等岑岐山題名

元豐四年

趙景仁等岑崎山題名

元豐五年

趙景仁岑崎山題名

趙景仁岑崎山磨崖詩

李公兼趙景仁仙巖題名

盛居先岑崎山題名

元豐六年

證覺院鐘款

元豐七年

坑下村石橋題字

同上

趙景崇等岑崎山題名

元祐

元年

吳君平飛霞洞題名

元祐二年

莫初中飛霞山麓題名 元祐三年

林介夫鮑誨翁岑崎山題名 元祐四年

何文正岑崎山題名 同上 李仲誠岑崎山題名 同上

滌下石橋題字 同上 淨光塔甄五種 元祐五年 附二種

卷五 宋三

朱履常岑崎山磨崖詩 元祐六年

鐵井闌題字 同上 張文君丹爐內題記 元祐七年

嘉福院浴鑊 同上 僧思惠仙巖磨崖 元祐八年

大龍湫題字殘刻 元祐九年 大廣化寺石橋題字 紹聖元年

麗塘井闌題字 元符元年 張泌鳳凰巖題名 崇寧元年

岑崎山神剎洞題字 大觀元年 明因院寶塔甄第一種 同上

吳元禮墓誌銘 大觀二年 明因院寶塔甄第二種 大觀

三年

增三種

明因院寶塔甄第三種

同上

陳伯嚮雙瀑潭銘

政和五年

雙蓮橋石題字

宣和二年

卷六 宋四

白鶴寺鐘銘

宣和七年

黃槩等仙巖題名

宣和

常靈寺橋石題字

靖康元年

開元寺鐘銘

建炎二年

吳積中妻許氏壙志

建炎三年

卷七 宋五

滕甫鳳凰巖題字

滕牧鳳凰巖題記

紹興元年

滕牧等龍鼻洞題名碑

同上

西山護國寺鐘銘

紹興二年

歐陽交等鳳凰巖題名

紹興三年

張師敏鳳雛石題字

紹興四年

張建鳳凰巖詩刻

古碣石刻

紹興七年

釋青了開井發願文

陳叔興等岑崎山題名

紹興十八年

東村證覺寺題記

紹興十九年

澄頭井闌題字

紹興二十年

紫芝觀銅鐘款識

紹興十二年

楚國太夫人周氏墓誌銘

紹興二十九年

焦石石塔題記

紹興三十一年

蔡允升壺洲洞題字

趙景巖等鳳凰巖題名

紹興

陳桷合掌巖磨崖詩

卷八

宋六

口之才聖女山詩刻

乾道三年

大廣化寺題字

乾道三年

壙志殘石

淳熙四年

薛良朋壙誌

淳熙十三年

沈樞仙巖題記并詩

同上

葉嗣昌龍鼻洞題名

紹興元年

林蟠叟墓碣

紹興二年

趙師林龍鼻洞題名

紹興四年

王煥章謝公像碑

慶元三年

徐浩墓碑

同上

周及善林宗易等翠陰洞題名

同上

鐵井闌題字

慶元四年

陳君舉等神剗洞題名

同上

觀音寺石孟題字

嘉泰元年

崇壽寺鐵鐘款

同上

白鶴廟石砌題字

嘉定元年

朱倬壙誌

嘉定七年

葉宗大龍鼻洞題名

嘉定八年

石芳洞前七佛塔題記

嘉定

九年

林伯驥壙誌

同上

郭津等龍鼻洞題名

嘉定十年

郭樗龍鼻洞題名

同上

郭禧白石山題名

同上

陳謙墓誌銘額

丹梁嶺磨崖

嘉定十一年

朱弼壙誌

嘉定十二年

崗頭井闌題字

嘉定十四年

蘇景行壙誌

嘉定十五年

卷九

宋七

林涓厚墓碑

嘉定十六年

葉味道靈峯題名

陳武壙誌

朱通壙誌 寶慶元年

鯉魚山磨崖

寶慶二年

徐德寶造墓告神文

同上

平陽新修縣學記

紹定四年

靈山院石門鏡紀年

紹定六年

靈巖寺前七佛塔題記

嘉熙元年

趙汝譔謝巖題名殘刻

嘉熙二年

高彥芳補刻方干詩跋

同上

林棐墓碣

淳祐四年

羅漢寺石橋紀年

淳祐八年

真華觀石塔題字

同上

徐兼等龍鼻洞題名

謝奕脩等龍鼻洞題名

淳祐十年

霞泥庵石佛背題字

寶祐二年

靈山院鐘銘

寶祐三年

東村石塔題字

寶祐六年

木從龍許峯靈跡記

景定元年

□容玉壙志

景定三年

觀善堂鐘款

同上

建德教授胡公墓碣

咸淳

大廣化寺七佛塔題記

咸

二年

劉叡龍鼻洞題名

咸淳六年

僧如洪雁山詩刻

咸淳七年

楊伯岳祝祖靈龍鼻洞題

名

通直郎徐公墓碣

附

妙果寺鐘殘字

附

卷十

元一

玉連赤不花龍鼻洞題名

至元二十六年

汪大有壙誌

同上

李永孫壙誌

至元二十七年

館頭石佛塔題款

至元二十九年

白鶴寺經幢

至元三十一年

項公徹墓誌銘

大德二年

宋輿石盆題字

大德五年

柯謙重建郡學碑

延祐四年

大成殿先師像石碣

至治元年

大玉洞天古井題字

至治三年

東塔院鐘款

泰定二年

王儒志先生遺像碑

泰定三年

重建西塔院碑

天曆二年

王都中鳳山題字

同上

卷十一 元二

慶雲寺鐘款

至順元年

柳貫重建永嘉縣學碑

至

三年

大廣化寺石夾題字

同上

王澄原墓誌

元統元年

李燾墓誌

至元元年

蒼坡李氏墓碑

附

大廣化寺石路紀年

至元三年

釋廷俊仙巖修塔碑

至元四年

歸元寺烏雀臺題字

至元四年

大廣化寺井闌題字

至元九年

大廣化寺鐘款

同上

曾堅等鳳山題名

至正十年

橫井巷大井題字

同上

貞隱處士墓碣

至正十三年

陳高陳文僞惠澤記

至正十五年

林彬祖重修譙樓記

至正二十五年

普濟寺鐘款

同上

謝瑀鶴陽題字

至正

卷十二

無年代古刻遺

附存 佚目 收藏

補

範元甄文

安固左尉甄文

永嘉郡永寧縣甄文

永寧縣殘甄文

永嘉郡安固縣甄文

五官殘甄文

晉範甄文

一千五百古泉甄文

五五古泉甄文

兒孝子殘甄文

劉授殘甄文

李氏殘甄文

陳顯祖殘甄文

周君貴殘甄文

孫承祖殘甄文

車懷仁殘甄文

鳳字殘甄文

衛字殘甄文

陳字甄文

棲霞寺塔殘甄文

謝客巖題字

西峴山題字

白石山題字

龍渠雁山磨崖

雪洞殘刻

靈峰洞題記殘字

金星溪題字

劉公谷題字

黃石公洞碑

龍鼻洞磨崖九種

蓋竹洞題字殘刻

以上無年代古刻

葛稚川仙壇山磨崖

馬自然西峴山磨崖詩

呂巖題巖菴石壁詩

第一山題字 以上附存

晉升平甄文

陳天康甄文

唐李邕僧元覺神道碑

淨居尼元機圓明塔碑

仙巖四瀑布詩

仙巖陀羅尼經幢

置玉清觀制

玉清觀記

石室碑

海濤志

司空圖仙巖題字

宋米芾龍泉院記

吳說書證道歌

永嘉本蘭亭敘

薛師石先賢祠堂記

元黃潛容成道院記

趙孟頫陳氏世德碑

以上佚目

周輿君孟

漢衛鼎

五鳳甄文

永建殘甄文

延熹甄文

晉太康甄文

黃字甄文

元康甄文

咸康甄文

永和甄文

升平殘甄文

以上收藏

宋故海陵太守趙公墓碣

吳誼壙誌

趙若恣墓誌銘 以上補遺

東甌金石志卷一

嘉善 戴咸弼 鼇峯

瑞安 孫詒讓 仲容

晉

陳卓人甄文

太康二年正月十六卜造壽壙陳卓人□

右甄厚一寸八分廣六寸中斷長不可計右側文
凡十六字並正書出瑞安二十七都陶山今藏瑞
安孫氏百晉精廬

孫詒讓按晉武帝以咸寧六年庚子三月平吳改
元太康其二年歲在辛丑此甄作於正月距平吳
不及一年也甄文云卜造壽壙陳卓人凡生時豫

作冢壙謂之壽壙今猶有此語後漢書光武紀建武二十六年初作壽陵李賢注云初作陵未有名故號壽陵蓋取久長之義也又趙岐傳云岐先自爲壽藏圖季札子產晏嬰叔向四像居賓位又自畫其像居主位皆爲讚頌注云壽藏謂冢壙也是漢時已有壽陵壽藏之稱晉書姚興載記亦曰西胡梁國兒於平涼作壽冢冢壙義同陳卓人卽造壽壙者之姓名蓋吳遺民之入晉者人下諱宋似尙有字畫漫漶不可辨

大康四年甄文

塼一種

大康四年八月立功

八月卅日

右甄二種一厚二寸二分長一尺五寸五分廣六寸右側文凡八字一斜甄右側厚一寸七分左側厚一寸二分長一尺五寸七分廣六寸七分左側文凡五字末字缺泐不可辨並八分書出永嘉西門外西山廢冢中今藏百晉精廬

孫詒讓案諸史以太康紀年者惟遼道宗其四年當宋神宗元豐元年永嘉非其正朔所及惟晉武帝太康四年歲在癸卯永嘉在其時爲臨海郡永嘉縣治此甄蓋卽其時所作經典太字古多通用大阮文達兩浙金石志載張燕昌所得太康四年甄太字亦作大與此甄正同其云立功者蓋謂營造墓域建立功程宋潛說友咸淳臨安志冢墓門

載於潛縣東十二里趙墓得陶甄二有咸和二年

九月參軍趙悌建立冢功馮登府

浙江

甄錄載海鹽

所出永嘉甄文云永嘉元年七月廿日立功余所

得古甄拓本有云永寧二年太歲在壬戌七月卅

日立功君姓孟者並與此甄可互證通鑑目錄載

太康四年八月戊辰朔其月大建此第二甄云八

月卅日口亦與長麻合第一甄右側各爲四方匡

每一方匡內各爲蟠螭及四出泉文相闕極精致

題字在右側第三方匡內分兩行書之

浙江甄錄載臨海洪

氏所藏永熙二年周氏作甄

文亦分二行書之與此畧同字大不及六分第二

甄左側上半爲華紋下半五字與華紋相闕書之

並古甕所罕觀也

永康甄文

永康元年太歲在庚申九月八日□□□□

右甄厚二寸四分長一尺六寸四分廣六寸七分
右側文凡十七字並八分反書末四字漫滅不可
辨出瑞安西門外西峴山陽今藏百晉精廬

孫詒讓案諸史以永康紀元者凡五其正朔及於
浙東者惟漢桓帝及晉惠帝漢永康元年不直庚
申惟晉惠帝元康十年正月改元永康其年正直
庚申與此甄合甄左側及兩端並有華紋極工致
蓋晉甓之最精者

大安殘甄文

大安二年八月十九

右殘甄厚二寸五分廣五寸五分下半斷失長不可計右側存文凡八字並八分書出樂清今藏百晉精廬

孫詒讓案右甄樂清鄭夢白茂才所得今以贈余攷諸史以大安紀元者凡三遼道宗金衛王夏乘常此非其正朔所及惟晉惠帝以永寧二年十二月改元太安其年歲在壬戌此大安蓋卽太安之異文猶前太康甄文作大康也又魏高宗前秦苻段思廉柔然耶蓋並有大安紀元此亦非其正朔所及

永嘉甄文

永嘉元年九月十

右甄厚二寸廣五寸中斷長不可計上篇文凡七

字並八分反書出瑞安東門外隆山今藏百晉精廬

孫詒讓案晉懷帝以光熙元年丙寅十一月卽位

次年正月改永嘉其年歲在丁卯

後漢書沖帝紀元亦有永嘉紀元

實爲永嘉之誤見本書左雄傳及史繩祖學齋此

估畢引漢永嘉元年公乘校官掾王幽題名

甄文在上脩九月十下文例當有日字以甄盡不能容字而止非有缺文也

改之甄文

大興三年七月廿日立功作甓改之

右斜甄右側厚二寸二分左側厚一寸二分長一

尺七寸八分廣六寸八分左側文凡十四字並八

分書出瑞安十二都焦石丁家山今藏百晉精廬

孫詒讓案晉元帝建武二年戊寅三月卽皇帝位

改元太興

北燕馮宏亦有太興紀元此非其正朔所及

其三年歲在庚

辰此甄出於廢冢中文極秀整說文昇部興起也

从昇从同同方也此作興者隸體譌變與六書殊

不合後興寧三年殘甄及翟云升隸篇續載晉建

興甄文興字並同蓋晉時流俗相承多如此作矣

作下一字爲甞尤奇詭罕觀以形聲求之蓋卽甞

之變體馮氏浙江甄錄載湖州陳氏所藏吳鳳皇

甄文云鳳皇元年施氏作甞與此甄可互證改之

蓋作甞者之名

咸和元年殘甄文

咸和元年八

右甄厚■寸■分廣■寸■分下半斷缺長不可
計右側存文凡五字並八分反書瑞安典史江寧
李濱得於西峴山

孫詒讓案晉成帝以太寧三年乙酉閏月卽位明
年二月改元咸和此甄八月作距改元僅六月也
咸和三年甄文

咸和三年太歲亥丁未七月廿日就切

右甄厚二寸一分長一尺五寸七分廣六寸二分
右側文凡十五字並八分反書出永嘉東門內華
蓋山今藏百晉精廬

孫詒讓案咸和三年歲在戊子此甄文云太歲亥
既差一年下又箸丁未二字於文尤不可通然字

畫完備絕無模黏不采作範時何以略不檢覈迺
有此譌舛重沓也甄末云就切者切蓋功字之誤
後永和四年孝子甄文永和十一年甄文並有就
功之語可據彼以校此也其就字作就者說文京
部云就高也从京从尤尤異於凡也此變尤爲尢
宋劉球隸韻四十九宥載漢江原長進德碣就字
作就王君石路碑作就婁機漢隸字原四十九宥
載漢武梁碑作就高頤碑作就顧藹吉隸辨四十
九宥載漢造橋碑作就魯峻碑作就翟氏隸篇京
部載漢祀三公山碑作就並與此同此甄文字疏
率出埶埶工匠之手未經文士察校故譌文疊見
然如就之作就獨與兩京碑版符合蓋其時去古

未遠雖鄉曲俗書亦尙有分隸遺架固非北碑詭
別字體馮朮變撰者所可同日語矣

章恨甄文

咸和四年八月章根作

右甄厚二寸二分廣五寸八分中斷長不可計上
端文凡九字並八分反書出瑞安西門內西峴山
巔今藏百晉精廬

孫詒讓案咸和四年歲在己丑章根蓋人姓名鄧
名世古今姓氏書辨證十陽引元和姓纂云章氏
出自姜姓齊太公支孫封國於鄆子孫去邑爲章
氏有南郡吳興二望

今永樂大典本姓纂
此條文缺佚不完

據此甄

及後升平二年甄別種章洋姓名則晉時永嘉章

氏殊繁盛矣。𦓐字从𠂇从艮，蓋卽恨字。漢晉隸碑从心字多从篆作𠂇，或變作𠂇，作𠂇。此作𠂇，又其變體惟全𦓐文。悉反書，惟此𦓐字左形右聲，又是正書，獨爲殊異。然𦓐文反正任意，殊無定例。如宋洪适隸續載漢永初七年官整文二種，並通體正書，惟一七字反書，一官字反書。浙江𦓐錄載靈波所出吳黃武七年𦓐文通體反書，惟七年二字正書。是兩漢三國𦓐文已有此體。今所見晉宋諸𦓐，此類尤衆，殆未可以範金刻石之常例繩之也。

咸和六年𦓐文

咸和六年九月廿八日

右𦓐厚二寸四分，長一尺七寸二分，廣六寸，右側

文凡九字並反書出瑞安十一都東山舒獻臺山
今藏百晉精廬咸和六年歲在辛卯

咸康三年甄文

咸康三年歲在丁酉八月十四日造

右甄厚二寸四分長一尺五寸廣五寸二分右側
文凡十四字並八分反書出瑞安西門外西峴山
陽今藏百晉精廬

孫詒讓案晉成帝咸和九年乙未正月改元咸康
前蜀王衍亦有咸康紀
元此非其正朔所及
甄文在右側其左側爲華

紋間以四出大泉文徑漢尺二寸許一橫書五十
二字一橫直各書五十二字並篆書形制似放新
莽大泉然莽泉大徑寸二分無逾二寸者又其文

並云大泉五十無虛作五十二字及以五十二字
橫直互書者此甄文與彼殊不合蓋工匠作範時
任意圖畫不必有所放也

咸康六年甄文

咸康六年太歲在庚子八月十日作

右斜甄右側厚一寸九分左側厚一寸二分長一
尺五寸八分廣五寸八分右側文凡十四字並八
分反書出永嘉東門內華蓋山今藏百晉精廬此
甄與前咸和三年甄同處出土隸勢絕瘦勁惜所
得多斷裂合數甄拓校始得其全文也

建元甄文

建元□年太歲在癸卯八月五日□□

右甄厚二寸四分長一尺六寸廣六寸右側文凡十六字並八分反書年上一字及末二字並漫滅不可辨出瑞安廿四都蘆浦師子山路側廢冢中今藏百晉精廬

孫詒讓案諸史以建元紀元者凡六其正朔及於浙東者惟漢武帝晉康帝齊高帝漢武帝建元元年歲在辛丑其三年直癸卯又晉康帝以咸康八年壬寅六月卽位明年癸卯正月改元建元此甄有太歲在癸卯之文而年上適缺一字以形製及隸勢案之不類漢璧當是晉康帝時物年上所缺蓋元字也

翁氏甄文 增二種

建元二年八月廿四日翁氏

翁氏

陳氏

右甄三種一厚二寸二分長一尺六寸廣六寸右側文凡十四字並八分反書一斜甄右側厚二寸二分左側厚一寸二分長一尺六寸廣六寸右側文曰翁氏二字正書一厚二寸二分長一尺六寸廣六寸右側文曰陳氏二字篆書反寫並出瑞安廿四都蘆浦師子山路側廢冢中今藏百晉精廬孫詒讓案晉康帝建元二年歲在甲辰此甄與前建元癸卯甄同處出土別有二甄無年月蓋皆彼時所作翁姓見於史者漢有翁伯見史記貨殖傳

魏晉六朝時此姓絕少據此甄則晉時永嘉固有
此姓矣弟四甄爲華紋各畫方匡斲之以篆書陳
氏二字分厠於華紋之間其陳氏字偏旁變自爲
目則又略參隸體氏字上半與民字頗相類然左

邊曲筆斜上而更無橫筆則又與民小異古贊文

中此字甚多以文義冢之蓋皆氏之變體

後升平二年魯

氏甄氏字亦如此作翟氏隸篇續載呂佺孫所得
泰和六年黃民甄其民字作𠃉與此氏字正同黃
民亦當作黃氏翟氏蓋誤釋後永和十年及永和十一年升平

元年升平三年別種四甄並有此二字華紋亦大

略相似

泰和四年甄左側亦有篆書陳

此冢旣屬

翁氏不應復有陳姓疑陳氏爲彼時陶旂名匠故

所作甄至如此之多猶兩浙金石志載太康三年

甄二種及阮文達於揚州濬河所得吳甄並有蜀師字也

孝子甄文二種

永和四年太歲在任申八月十八日燕功

在任申八月十八日燕功

右甄二種一厚二寸二分長一尺六寸三分廣六

寸四分右側文凡十六字左側文曰孝子二字並

八分反書一殘斜甄右側厚二寸一分左側厚一

寸二分廣六寸一分上半斷缺長不可計右側存

文凡九字亦八分反書同出永嘉東門內華蓋山

廢冢中今藏百晉精廬

孫詒讓案諸史以永和紀元者凡五其正朔及於

浙東者惟漢順帝及晉穆帝漢永和四年歲在己卯不直戊申惟晉穆帝以建元二年甲辰九月卽位明年乙巳正月改元永和其四年正直戊申此甄作任申者隸篇續載晉太歲甲戌甄戌字作𠄎此戌字反書作任與彼正相類蓋以篆書𠄎字就其屈曲之勢變爲方整則成𠄎形摹效失其本意乃類任字或讀爲任申以爲壬借任爲之然永和四年太歲實直戊申非壬申也就功就字作甄與咸和三年甄文同就功者蓋謂建造冢域功役成就猶宅甄云立功也甄左側爲華紋華紋之閒別爲孝子二字蓋建冢者自稱

隸釋漢武梁景君兩碑並有孝子之稱

宋民甄文

永和五年八月廿日宋民

右甄厚二寸二分長一尺六寸六分廣五寸七分
右側文凡十字並反書惟末一字正書出瑞安西
門內西峴山巔今藏百晉精廬

孫詒讓案永和五年歲在己酉甄文年字作羣形
殊奇詭古金石文字所未見宋民疑亦宋氏之變
體然此甄民字筆畫完具與它甄氏字作民者又
小異今姑釋爲民而增識其疑於此

永和七年甄文

永和七年歲在辛亥

右甄厚二寸三分長一尺五寸廣六寸三分右側
文凡八字出瑞安西門外西峴山麓今藏百晉精

廬

孫詒讓案漢永和止六年惟晉永和有七年其年正直辛亥與此甄合文在右側每字悉以橫格畧之馮氏浙江甄錄載吳鳳皇元年范氏甄與此同永和九年甄文

永和九年八月一日成也

右甄厚二寸二分長一尺五寸廣六寸五分右側文凡十字並八分書出永嘉東門內華蓋山今藏百晉精廬

孫詒讓案永和九年歲在癸丑甄文簡略罕用助語惟此甄及浙江甄錄所載周行思甄文云建興四年八月十五日周行思造作也並以也字綴尾

亦古甕中所罕見甄左側及上下兩箭並有華紋
左側華紋內爲四出文泉二弟二泉輪郭左右有
篆書五五二字洪遵泉志奇品門引梁顧烜泉譜
載雙五泉與此正相似彼泉顧洪並不詳其時代
據此甄文則晉時已有此製矣

孝子徐弼甄文二種

和永九年 孝子徐弼

右甄厚二寸長一尺五寸五分廣五寸五分右側
文曰和永九年左側文曰孝子徐弼各四字出瑞
安東門外隆山今藏百晉精廬

孫詒讓案諸史無和永紀元當是永和之誤作範
時偶傾到書耳徐弼亦作甕者姓名兩側各爲四

匡每匡一字左側字閒又多爲直畫聯綴這道莫
詳其例也又一種厚二寸長一尺五寸五分廣五
寸七分兩側文及形製並與前甄同惟左側字閒
不爲直畫蓋與彼異范出瑞安東門外栖隱寺後
山

陳氏甄文

增一種

永和十年八月廿二日作 隸氏

平

右甄二種一厚二寸一分長一尺七寸廣六寸二
分右側文凡十字並八分反書一斜甄右側厚二
寸一分左側厚一寸二分廣五寸七分下半斷失
長不可計上端有一平字同出瑞安西門內西峴

山巔廢冢中今藏百晉精廬

孫詒讓案永和十年歲在甲寅甄上下端並爲華紋字在其閒其左側篆書陳氏二字分厠於華紋之閒與前建元元年翁氏甄別種文並同

永和□年殘甄文

永和□年八

右甄厚二寸廣六寸一分下半斷失長不可計右側存文凡四字並反書出瑞安東門外萬松山麓今藏百晉精廬甄文每字爲橫格盼之與前永和七年及孝子徐弼甄文並同惟年上缺一字無從攷其年數今姑附於永和十年之後

永和十一年甄文

增三種

永和十一年太歲在乙卯八月十二日熊功

陳氏又一種文同

平

右甄四種一厚二寸五分長一尺七寸廣五寸八分右側文凡十七字並八分書一厚二寸二分長一尺六寸五分廣六寸二分文曰陳氏二字篆書反寫分廁於華紋之間一尺度文並同前華紋小異一斜甄右側厚二寸左側厚一寸二分廣五寸八分下半斷失長不可計上端有一平字同出瑞安廿四都林奧朱宅山廢冢中今藏百晉精廬孫詒讓案甄文分書殊古勁就字作𧇗與前咸和三年永和四年兩甄文同爾時書學大盛江左簡

翰照耀百代此甄文疑亦出工書佳手非拙陋工
匠所能爲也其弟二弟三兩甄與前建元二年永
和十年諸甄同弟四斜甄前爲一平字亦與永和
十年甄同

升平元年八月甄文

升平元年八月作

右甄厚二寸廣五寸七分下半斷失長不可計右
側文凡七字出瑞安十一都東山舒獻臺山今藏
百晉精廬

孫詒讓案晉穆帝永和十三年正月改元升平其
年歲在丁巳甄出土者率皆甄斷文在右側上半
其下半別爲華紋無文字斷處適當華紋文無缺

佚

升平元年九月甄文

墟二種

升平元年九月十五日作

章洋作此

隳氏

右甄三種一厚二寸七分長一尺六寸八分廣六寸七分右側文凡十字並反書一厚二寸三分長一尺六寸五分廣六寸五分上箭文曰章洋作此四字亦反書一厚二寸二分長一尺六寸廣六寸右側文曰陳氏篆書反寫分廁於華紋之間同出瑞安廿四都小奧山廢冢中今藏百晉精廬

孫詒讓案升說文作𠂔云从斗亦象形隸變作升

又變作升此甄作井復多一筆後魯氏甄文丁氏
甄文升平三年甄文樂安令甄文升字並同攷太
亨三年爨寶子碑升字亦作井則晉時俗書相承
並如是作隋唐人書碑亦多如此隸篇載升平五
年甄升字反書
亦作弟二甄章洋蓋作甄者姓名洋當卽洋字惟
隸書從羊之字並止作三橫筆此乃作四橫筆殊
不可解弟三甄與前建元二年以下三甄文同

魯氏甄文二種

升平三年九月十二日魯氏

右甄二種一厚一寸九分長一尺九寸廣七寸四
分右側文凡十一字並反書一斜甄右側厚二寸
四分左側厚一寸四分長一尺八寸廣七寸七分

左側文與前同筆畫小異同出瑞安廿四都蘆浦
大車嶺今藏百晉精廬

孫詒讓案是年歲在戊午甄文魯氏字作魯略兼
艸勢氏字作民則與前建元永和升平諸甄陳氏
字同

丁字甄文 三種

升平三年太歲未九月十三日 丁

右甄三種一厚二寸四分長一尺六寸二分廣六
寸一分右側文凡十二字並反書左側華紋上下
各爲四出泉文上泉文之內右偏作一丁字一厚
二寸四分長一尺六寸五分廣五寸七分右側文
與第一種同惟位置略疏又年字作年與彼小異

左側泉文內無字一尺度及兩側文並與弟二種
同下端有陰文靈拜言三字同出瑞安十二都焦
石雙山今藏百晉精廬

孫詒讓案升平三年歲在己未此云太歲未者文
不具也第三甄靈拜言三字陰文絕細瘦余所得
古甃文並陽文凸起惟此甄及後宋元嘉廿二年
甄別種獨窪下爲陰文其字乃泥埴脫范未經火
時芴劃而成其沂鄂痕跡諦案猶可辨蓋工匠等
偶戲爲之無文義可說也其靈字作寧亦古金石
文字所未見

升平三年甄文

增一種

升平三年太歲未

陳氏

右甄二種一殘斜甄厚■寸■分廣■寸■分下
半斷失長不可計存文凡七字並反書一厚■寸
■分長一尺■寸廣■寸■分文曰陳氏二字篆
書出瑞安西門內西峴山陽廢冢中今藏百晉精
廬弟一甄文與前丁字甄文同惟筆畫小異下半
當尙有月日甄缺不可攷弟二甄文亦與前建元
永和并平諸甄文並同

樂安令甄文 三種

并平四年九月十日藝苑 樂安令 李計儲

并平四年九月十日藝苑 樂安令

并平四年九月十日藝苑

右甄三種一厚二寸五分長一尺五寸五分廣八寸一分右側文十字上端文曰樂安令三字下端文曰李計儲三字並反書一厚二寸七分長一尺六寸二分廣八寸七分側文箭文並與第一種同惟下端無李計儲三字一厚二寸六分廣七寸八分中斷長不可計側文亦並與第一種同惟年作季又並正書上下端有華紋無字與彼小異出瑞安十一都周奧山今藏百晉精廬

孫詒讓案升平四年歲在庚申璧花蓋卽璧范之變體謂作璧之形模也璧本从辟得聲此變爲从辟聲字書所無花者蓋椀之省隸釋漢童子逢盛碑制中園椀洪文惠跋謂椀與帆音同

集韻類篇並以椀爲

舩之或體舩音符咸切故洪云與舩音同實則舩
字說文所無而橈已見漢碑不必橈爲舩之重文
也此借橈爲范愚謂說文艸部范艸也竹部范法

也則凡模范字並當作范禮記禮運范金合土乃
借范爲範逢盛碑之園橈亦借范爲範而又變作
橈此甄橈字則又省橈爲橈蓋甄文雖多譌別字
然晉去兩漢未遠形聲省變往往本於漢隸與鄉
壁虛造固有區別矣兩尚文云樂安令李計儲李
蓋卽樂安令之姓此殆其冢壁也攷東晉時樂安
縣有二一屬江州鄱陽郡宋書州郡志云吳立一
屬揚州臨海郡宋志云晉康帝分始豐立晉書地
理志失
載臨海郡此壁作於升平四年正在康帝之後未
樂安縣知李君所官果隸何郡計儲疑是州郡掾曹之名

於史無攷宋書百官志謂諸郡各有舊俗諸曹名號往往不同則史志所不詳者當復不少又晉宋以後州郡僚吏或兼領縣令如南史周顒傳稱顒爲益州刺史蕭惠開府主簿帶肥鄉成都二縣令卽是其例此李君或卽以倉儲掾曹而領樂安令故贊範兩箸之也

周祖殘甄文

升平五年□月廿一日周祖作

右殘甄厚二寸五分廣六寸五分中斷長不可計
右側文凡十二字並反書出瑞安小東門外菜圃
牆間今藏百晉精廬甄已破甄合斷甄數由拓其
殘文互相校補始略可讀然猶缺月上一字升平

五年歲在辛酉是年五月穆帝崩哀帝卽位次年卽改元隆和矣周祖蓋作輒者姓名

興寧殘輒文

興寧三年

右輒厚二寸二分廣五寸三分下半斷失長不可計右側存文凡四字出瑞安東門外隆山今藏百晉精廬

孫詒讓案晉哀帝隆和二年癸亥改元興寧其三年歲在乙丑是年二月帝崩琅邪王奕卽位次年卽改元泰和矣

大中公輒文 三種

泰和二年八月十日建公夫 大中公 卯年王

泰和二年八月十日建公夫 卯年王

泰和二年丁卯八月壬辰朔十日癸酉

右甄三種一厚二寸三分長一尺六寸八分廣六寸六分右側文凡十一字上箭文曰大公中三字下箭文曰卯年王三字並八分反書一廣長尺度及側文並與第一種同上箭無文下箭亦曰卯年王三字一斜甄右側厚二寸一分左側厚一寸四分長一尺七寸五分廣六寸九分左側文凡十五字亦並反書出瑞安廿四都下灣水西洞山破冢中今藏百晉精廬

孫詒讓案泰和紀元見於史者惟金章宗此非其正朔所及且其二年亦不直丁卯此外以太和紀

元者凡七其正朔及於浙東者惟晉廢帝以興寧

三年乙丑卽位次年丙寅正月改元太和其二年

正直丁卯

唐文宗大和紀元俗本唐書亦誤作太和宋本新唐書元本通鑑並不誤與

此甄合攷說文水部發字注云滑也从収水大聲

重文厶注云古文泰是太卽泰字古文之變體古

人本不甚分別

隸釋魏元丕碑云遺泰夫隋書經人憂泰夫人卽太夫人也

籍志史部有晉泰和起居注六卷字正作泰兩浙

金石志載泰和四年甄文隸篇載泰和諸甄文亦

並定爲晉物則此爲晉贗無疑建公夫夫字適當

甄末位置迫窄僅存上半公夫猶云功夫謂建造

冢之功役與今俗語略同浙江甄錄載湖州陳氏

所藏永嘉甄文亦云永嘉二年八月卅日立功夫

足與此甄互證攷三國志魏二少帝紀齊王芳詔
已有徒棄功夫之語又不自晉始矣大公中之稱
諸史及古金石文字並未見攷隸釋載孫根碑陰
孫孝考等十四人並稱大中洪跋謂大中卽大中
正省其正字耳其說殊塉此甄之大公中疑亦卽
大中正也大中正在孫吳謂之大公平三國志潘
濬傳注引襄陽記云襄陽習溫爲荊州大公平是
也然則孫吳以中正爲公平此甄以中正爲公中
正其例矣或謂廣韻上平聲一東公字注載漢復
姓有大公氏引世本有大公叔穎則此
大公中疑亦人姓名然大公姓史籍希觀世本所
記遠在周代晉時未必尙有此姓未可援以證此
也卯年王者王讀爲王相之王以歲次丁卯故有
此語惟泰和二年八月朔日據通鑑目錄載劉義

交所推長曆作庚寅朔其十日當爲己亥近人烏
程汪曰楨著歷代長術所推朔日亦同此第三甄
云八月壬辰朔十日癸酉與彼不合詒讓復以晉
秦始曆覆推之亦與劉汪同秦始曆卽魏楊偉景
初曆晉武帝秦始元
年仍魏曆改名迨於晉亡
並用之其術具晉宋二志則此甄境是誤文且卽
以壬辰朔推之其十日亦直辛丑不當爲癸酉甄
文已自相抵牾蓋范埴時偶爾不察遂有茲失矣

秦和二年八月甄文

秦和二年八月廿二日立作

右甄厚一寸六分長一尺四寸三分廣六寸右側
文凡十一字出瑞安東門外萬松山麓今藏百晉
精廬

孫詒讓案此甄與前大公中甄同年同月所作立
作者猶前太興三年改之甄文云立功作贊也

泰和二年八月殘甄文

泰和二年八

右殘甄文厚二寸廣五寸八分下半斷失長不可
計右側存文凡五字並反書出瑞安十二都周與
山今藏百晉精廬

泰和二年九月甄文

泰和二年九月十一日作

右甄厚■寸■分長一尺■寸廣■寸■分右側

文曰泰和二年九月十一日作出瑞安二十六都

湖山頭山今藏百晉精廬甄文大小與大公中甄

略同而書勢尤險勁晉饜中所產見也

泰和三年殘甄文

泰和三年八月廿三日□□

右殘斜甄右側厚一寸八分左側厚一寸二分廣五寸五分中斷長不可計右側文凡十一字出瑞安東門外隆山今藏百晉精廬按泰和二年歲在戊辰

陳□甄文

泰和四年八月十五日治作 嘴□

右甄厚二寸長一尺八寸廣五寸七分右側文凡十一字並反書出瑞安廿四都林奧朱宅山麓今藏百晉精廬

孫詒讓案是年歲在己巳治作猶言造作兩浙金石志載漢萬歲甄文亦有九月廿日造治之文與此甄治作同甄文在右側其左側爲華紋而間以篆書陳口二字於華紋之間與前建元永和升平諸甄陳氏字樣正同惟下一字明白無缺篆體詭異未詳其爲何字也

泰和四年甄文

泰和四年作此

右甄厚二寸四分廣五寸七分中斷長不可計右側文凡六字出瑞安西門內西岷山巔今藏百晉精廬此甄與後靈康六年甄並已甄斷合數殘甄拓校之始得其全

寧康元年甄文

寧康元年八月作

右甄厚二寸一分廣六寸二分中斷長不可計右側文凡七字並八分反書出瑞安西門內西峴山巔今藏百晉精廬案晉孝武以咸安二年壬申七月卽位次年正月改元寧康其年歲在癸酉

寧康三年八月甄文

二種

寧康三年乙亥歲八月十日

寧康三年八月十日

右甄二種厚一寸八分長一尺六寸二分廣六寸一分右側文凡十一字並反書一厚一寸八分長一尺六寸三分廣五寸六分右側文凡八字亦並

反書出永嘉東門內海壇山今藏百晉精廬

寧康三年殘甄文

寧康三年

右甄厚一寸七分廣五寸六分下半斷失長不可計右側存文凡四字出瑞安東門外栖隱寺後山今藏百晉精廬

太元元年甄文

太元元年作

右甄厚二寸長一尺四寸六分廣六寸右側文凡五字出永嘉東門內海壇山今藏百晉精廬

孫詒讓案諸史以太元紀年者凡三其正朔及於浙東者惟吳大帝晉孝武帝吳大帝赤烏十四年

辛未五月改元太元止於二年晉孝武帝寧康四年丙子正月改元太元止於二十一年此甄不書甲子無由定其爲吳爲晉然余所得晉太元甄逾十種此甄文字形制並與相類必非吳物故仍冠晉太元諸甄之前焉

太元二年甄文

太元二年八月廿二日丁元配坤口

右甄厚一寸九分廣六寸下半斷失長不可計右側文凡十字左側文凡四字出瑞安一都白門山今藏百晉精廬

孫詒讓案晉太元二年歲在丁丑甄文右側上下並爲華紋中爲一方匡內有元配坤口四字末一

字不可辨蓋夫爲妻建冢作甃故有元配之稱矣
太元四年甃文

太元四年八月十日口甃功

右甃厚二寸二分廣六寸九分中斷長不可計右
側文凡十一字並反書一斜甃右側厚二寸二分
左側厚一寸四分廣七寸五分右側存八月十日
四字出瑞安一都白門山今藏百晉精廬

太元六年甃文

晉太元六年太歲在辛巳七月庚午朔廿日作

右斜甃右側厚二寸二分左側厚一寸八分長一
尺六寸廣八寸三分左側文凡十八字出瑞安十
二都焦石大貓洋今藏百晉精廬

太元七年殘甄文 二種

太元七年八月

右殘甄二種一厚五寸七分廣一寸八分下半斷
失右側存文凡六字出永嘉生薑門外松臺山麓
一厚一寸九分廣六寸二分中斷長不可計右側
存文與弟一種同出永嘉東門內海壇山今並藏
百晉精廬案是年歲在壬午

太元十年甄文

太元十年八月一日太歲在乙 欽

右甄厚二寸一分長一尺六寸廣六寸二分右側
文凡十二字上端文曰欽凡一字出瑞安西門內
西峴山巔今藏百晉精廬案是年歲在乙酉

太元十二年甄文

太元十二年九月廿一日作璧

右甄厚一寸八分長一尺五寸廣五寸六分右側文凡十二字並反書出瑞安東門外隆山今藏百晉精廬案是年歲在戊子

太元十八年甄文

太元十八年閏月十五日作

右甄厚一寸九分長一尺四寸五分廣六寸三分右側文凡十一字並反書出瑞安西門內西峴山巔今藏百晉精廬

孫詒讓案太元十八年歲在癸巳晉書孝武帝紀太元十八年七月後書閏月妖賊司馬徽聚黨於

馬頭山據通鑑目錄及歷代長術其年閏七月並
與此甄合

李字甄文

太元十八年太歲癸巳八月十一日作此 李

右甄厚二寸長一尺五寸廣六寸四分右側文凡
十六字並反書左側文曰李凡一字出永嘉東門
華蓋山麓今藏百晉精廬案李蓋作甃者之姓

李何甄文

太元十九年歲壬午八月十日 李何

右甄厚二寸三分長一尺七寸廣六寸二分右側
文凡十三字並反書上箭文曰李何凡二字亦反
書出永嘉東門外華蓋山麓今藏百晉精廬

孫詒讓案太元十九年歲在甲午甄文云壬午者蓋作范時偶誤此甄與前李字甄同時拾得作甄年月相距不遠又並屬李姓蓋一家所作也

太元十九年九月甄文

太元十九年九月口口作

右斜甄右側厚二寸左側厚一寸長一尺八寸廣六寸七分右側文凡十字並反書出瑞安西門內西峴山巔今藏百晉精廬

太元十九年甄文

太元十九年

右甄厚二寸三分長一尺七寸二分廣六寸二分右側文凡五字出瑞安廿四都下灣水西洞山今

藏百晉精廬

孫詒讓案甄文五字上爲四出泉文下爲玉勝文字在其間與前永和十年陳氏甄式頗相類惟年字作丰則漢晉碑所未見

申作甄文

義熙口年歲在丙午九月作 九月申作

右甄厚一寸九分長一尺三寸七分廣五寸二分
右側文凡十一字並反書上箭文凡四字出永嘉東門外華蓋山麓今藏百晉精廬

孫詒讓案晉安帝元興四年乙巳正月改元義熙此甄年上一字磨滅不可辨以太歲丙午推之則二年也上箭文云九月申作紀月與側文鍾復宅

甄所罕見申作者蓋申姓所作也

義熙三年殘甄文

義熙三年九月

右甄厚一寸七分廣五寸五分下半斷失右側文
凡六字出瑞安東門外隆山今藏百晉精廬案是
年歲在丁未

義熙四年殘甄文

義熙四年八月□□□□

右甄厚一寸九分廣五寸七分中斷長不可計右
側存文凡六字並反書餘俱漫滅不可辨出瑞安
東門外隆山今藏百晉精廬案是年歲在戊申

義熙十年殘甄文

義熙十年

右甄厚二寸廣六寸三分下半斷失右側存文凡四字出瑞安東門外隆山今藏百晉精廬案是年歲在甲寅

宋

元嘉六年甄文二種

元嘉六年八月廿日作太歲在己巳

右甄二種一厚一寸四分長一尺五寸二分廣六寸一分右側文凡十四字並反書一尺度及文並與前同惟字形小異並出瑞安西門內西峴山巔今藏百晉精廬

孫詒讓案諸史以元嘉紀元者凡二漢桓帝元嘉

元年歲在辛卯其三年卽改元永興惟宋文帝以
景平二年甲子八月卽位改元元嘉其六年正直
己巳與此甄合

元嘉七年甄文

元嘉七年太歲庚午八月十日

右斜甄右側厚一寸九分左側厚一寸一分長一
尺六寸廣六寸二分右側文凡十一字並反書出
瑞安廿四都林與和尚山今藏百晉精廬

孫詒讓案甄文長短疎密參差錯出遇橫筆輒引
長之以爲斲畫亦古甕中所罕見

黃賀甄文

二種

元嘉九年九月黃賀作

右甄二種一厚二寸一分長一尺五寸廣六寸五分右側文凡九字並反書一殘斜甄右側厚一寸九分左側厚一寸二分廣六寸三分中斷長不可計左側存九月黃賀四字並出瑞安十一都周湖山今藏百晉精廬案是年歲在壬申黃賀蓋作甄者姓名

元嘉十年甄文

元嘉十年祭面歲八月壬

右甄厚一寸四分廣六寸四分中斷長不可計右側文凡十字出瑞安廿四都下灣水西洞山今藏百晉精廬

孫詒讓案甄文癸酉二字作祭面頗爲奇詭後元

嘉廿二年甄乙画画字亦同攷隸韻四十四有載
漢童子逢盛碑酉字作酉隸篇酉部載史晨奏銘
酉字亦同甄文画卽酉之變體晉宋楷法固多沿
漢隸也云癸酉歲王者與前大公中甄文云卯年
王義同

元嘉□年甄文

元嘉□年八月廿三

右甄厚二寸廣六寸七分下半斷失長不可計上
端文凡八字出端安西門內西峴山巔今藏百晉
精廬

孫詒讓案甄殘缺廬存其半文在甄端尚完具可
讀惟年上一字不可辨元嘉紀元凡三十年此甄

嘉年兩字閒止能容一字是十年前所作故附此
元嘉十四年殘甄文

元嘉十四

右殘甄厚一寸九分廣六寸三分下半斷失長不
可計右側文凡四字並反書出瑞安西門內西峴
山巔今藏百晉精廬

孫詒讓案是年歲在丁丑甄文廬存上半四字元
嘉二年又廬存其半諦案乃可辨與前元嘉口年
甄同時拾得而此甄破甄尤甚

元嘉十五年殘甄文

元嘉十五年太歲戊寅

右甄厚四寸四分廣口寸口分下半斷失長不可

計右側存文凡九字瑞安典史李濱得於西峴山
元嘉廿年殘甄文

元嘉廿年

右甄厚一寸八分下半斷失廣長並不可計右側
存文凡四字出瑞安廿四都前洋山今藏百晉精
廬案是年歲在癸未

元嘉廿二年八月殘甄文

宋元嘉廿二年太歲乙酉八月四

右殘甄厚一寸八分廣六寸六分下半斷失右側
存文凡十三字出永嘉東門內華蓋山今藏百晉
精廬

元嘉廿二年九月甄文

增一種

元嘉廿二年太歲乙酉九月

建口令通博神

右甄二種一厚二寸四分長一尺六寸三分廣七寸一分右側文凡十一字惟乙字反書一尺度與弟一種同側文漫滅不可辨面有陰文六字同出瑞安廿四都下灣水西洞山今藏百晉齋廬

孫詒讓案甄文酉作酉與前元嘉十年甄文同弟二種甄面有陰文建口令通博神六字亦脫范後所刻者與前并平二年甄所刻盜拜言三字同蓋亦工匠所爲也

元嘉廿三年甄文

元嘉廿三年作 賈

右甄厚一寸九分長一尺六寸廣六寸六分右側
文凡六字並反書左側文曰賚凡一字出永嘉東
門內華蓋山今藏百晉精廬

孫詒讓案元嘉廿三年歲在丙戌甄文六字在右
側上半下半爲魚紋頗工致左側上下並爲華紋
中著一字从去从買與賚說文街也賚讀若育賚隸變二字
正書並近無文義可推未能埒定爲何字也

魯長甄文二種

元嘉廿四年作魯長 第二種文同

元嘉廿四年作

右甄三種一厚二寸一分長一尺六寸四分廣六
寸三分右側文凡八字並反書一厚二寸二分長

一尺五寸八分廣六寸六分右側文六字亦並反書同出瑞安廿四都林與白墳菴山今藏百晉精廬案是年歲在丁亥魯長蓋作甄者姓名

元嘉廿五年甄文

元嘉廿五年戊子 歲陳□□□□

右甄厚二寸二分廣七寸中斷長不可計上弇文凡七字下弇文泐廬存歲陳二字並反書出瑞安廿四都塔山今藏百晉精廬

孫詒讓案甄文甚邁勁惜半磨滅不甚可辨下弇陳字下蓋作甞者之名漫滅無可攷

元嘉廿六年殘甄文

嘉廿六年八月廿日

右殘甄厚二寸二分廣七寸二分下半斷失長不可計右側存文凡八字出永嘉縣學前牆間今藏百晉精廬

孫詒讓案甄兩字並缺紀元厯存一嘉字攷諸史

元號嘉字在弟二字者惟漢成帝之鴻嘉順帝之

陽嘉桓帝宋文帝之元嘉晉懷帝之永嘉漢冲帝

訛文陳文帝之天嘉其正朔不及凡六元其有廿

六年者惟宋元嘉其年歲在己丑則此甄嘉上所

缺之字爲元字無疑矣

居士丁農甄文

元嘉廿七年九月卅日居士丁諱農 大富貴 大

吉利

右輒厚一寸九分廣六寸中斷長不可計右側文
凡十四字上下而文各三字並反書出永嘉東門
內海壇山今藏百晉精廬

孫詒讓案元嘉廿七年歲在庚寅據通鑑目錄及
歷代長術是年九月戊午朔大建有廿日與此輒
合此丁農墓甓其甓居士者禮記玉藻居士錦帶
鄭注云謂道藝處士也是以居士爲卽處士然六
朝時所謂居士者又與處士不同南史虞寄傳寄
居閩中知刺史陳寶應有異志恐禍及乃著居士
服居東山寺北史陸法和傳法和隱於江陵百里
洲衣食居處一與戒行沙門同梁元帝以爲都督
郢州刺史法和不得臣自稱居士則爾時所謂居

士者乃清修道術之士與儒冠栖遁者又微異矣
明府薄君甄文 增二種

孝建元年八月朔明府薄君口

任伯宰

右甄三種一厚二寸四分長一尺七寸廣六寸八
分右側文凡十二字並反書一厚一寸二分長一
尺七寸二分廣六寸一分文曰任伯宰三字一斜
甄右側厚二寸左側厚一寸四分廣六寸一分下
半斷失長不可計左側文與前同同出瑞安廿四
都蓋竹貓狸洞山廢家中今藏百晉精廬

孫詒讓案宋孝武帝以元嘉三十年癸巳四月卽
位明年甲午正月改元孝建據通鑑目錄及歷代

長術其年八月乙丑朔此不著日名者文略也明
府薄君其人無可攷漢魏時人稱明府者有四一
京尹稱明府見後漢書孫寶張湛張霸梁不疑諸
傳二郡守亦稱明府見前漢書韓延壽何並龔遂
後漢書郵暉周章張皓王龔臧洪鍾皓史弼杜密
劉寵彭脩劉翊許揚高獲李邵法真諸傳三國相
亦稱明府見隸釋北海相景君銘魯相韓勅造孔
廟禮器碑四屬國及丞亦稱明府見隸釋蜀郡屬
國辛通達丞李仲曾造橋碑據張湛傳章懷太子
注云郡守所居曰府府者尊高之稱是令長以下
所居不得曰府則亦不得稱明府明矣世說新語
言語篇載崔豹對郡將語則晉時猶以明府爲守

相之稱惟隋書房彥謙傳云彥謙遷長葛令甚有
惠化超授都州司馬吏民相謂曰房明府今去我
屬何用生爲此後世以明府稱縣令之濫觴此明
府薄君不知何官其弟二種甄文云任伯宰則似
薄君實嘗官令長故有此稱若守相則不宜曰宰
也豈縣令之誤稱明府六朝時已相沿莫辨不自
隋始乎薄君冢旣在此或卽邑人通志氏族略載
薄氏望出雁門譙國據此甄則劉宋時永嘉亦有
此姓也

孝建元年九月甄文

孝建元年九月□□作

右甄厚二寸二分廣六寸六分下半斷失長不可

計右側文凡九字出瑞安廿五都外桐今藏百晉精廬

孝建元年殘甄文

孝建元

右殘甄厚二寸一分下半斷失長廣並不可計右側存文凡三字並反書出瑞安十一都周湖殿後山今藏百晉精廬甄文瘦逸可愛惜殘缺塵存一角無由得其全文其上箭亦尚有畛畫中存半字亦不可辨矣

張上計甄文

大明元年九月張上計

右斜甄右側厚二寸二分左側厚一寸四分長一

尺七寸二分廣六寸五分右側文凡九字出瑞安
廿四都蓋竹貓狸洞山今藏百晉精廬

孫詒讓按宋孝武帝孝建四年正月改元大明其

年歲在丁酉張上計者漢制郡國守相歲盡遣吏

上計京師有上計掾史後漢書龐參傳上計掾廣

范式傳長沙上計掾史到京師上書表式行狀隸

釋滄于長夏承碑君爲上計掾巴郡太守張納碑

陰上計掾安漢趙壤前陽太守秦頽碑上計掾

或省文徑稱上計後漢書趙壹傳光和元年舉郡

上計板楯蠻傳有漢中上計程包是其例也晉宋

時尙沿其制故宋書百官志云漢制歲遣上計掾

史各一人條上郡內衆事至今行之是劉宋時外

郡亦有上計掾史之證此張上計蓋卽永嘉郡計

史但不知其爲掾爲史耳

大明元年殘甄文

大明元年

右甄厚一寸六分廣五寸九分下半斷長不可計
右側存文凡四字出永嘉東門內積穀山下土牆
間今藏百晉精廬甄下端斷失年字殘缺廬存半
字

魯猶子甄文 三種

大明四年庚子歲九月孤子魯猶子作

右甄厚二寸一分廣六寸九分中斷長不可計右
側文凡十五字並反書一厚二寸一分廣七寸二
分上半斷失長不可計右側存孤子魯猶子作六

字一斜甄右側厚二寸左側厚一寸二分廣七寸一分中斷長不可計左側文與前同出瑞安廿四都林與朱宅山今藏百晉精廬

大明六年甄文

大明六年九月建璧

右甄厚■寸■分長一尺■寸■分廣■寸■分
右側文凡八字並反書出樂清鄭君夢白所藏今據拓本錄入案大明六年歲在壬寅

大明七年殘甄文

大明七年七

右殘斜甄右側厚二寸左側厚一寸四分廣六寸下半斷失長不可計左側存文凡五字並反書出

瑞安東門外萬松山麓今藏百晉精廬按大明七年歲在癸卯甄文年字下尙有一七字蓋是年七月所作也右側爲魚文極精致惜已斷缺

曹嗣祖甄文

秦始三年孤子曹嗣祖駟奴基

右甄厚二寸長一尺五寸八分廣六寸七分右側文凡十四字出瑞安廿四都蘆浦今藏百晉精廬孫詒讓按諸史以秦始紀元者凡三晉武帝秦始三年丁亥卽吳孫皓寶鼎二年其時瑞安爲吳臨海郡安固縣地非晉正朔所及宋益州賊程道養亦有秦始紀元偏方僞朔尤無由及此惟宋明帝則以景和元年乙巳十二月卽位改元秦始

又漢武帝

梁侯崇並紀元
太始與此小異

其三年歲在丁未是時安固屬揚

州永嘉郡正其正朔所及則此甄爲劉宋物無疑

矣甄文云孤子曹嗣祖駟奴荃葢兄弟二人同建

墓作篋也嗣說文从冊从口司聲此甄左从扁與

六書殊不合然宋大明二年龔龍顏碑後魏景明

四年侯太妃造象題字嗣字並如是作葢六朝時

通行之譌體荃當卽葬之別體俗書葬字多作莖

見後當公
相甄文

故又變爲莖也

秦始六年甄文

秦始六年七月十八日作此

右甄厚二寸一分長一尺七寸二分廣六寸二分

右側文凡十一字並反書出瑞安十一都周湖山

今藏百晉精廬按宋泰始六年歲在庚戌

太豫甄文

太豫元年八月廿七日

右甄厚一寸八分長一尺五寸三分廣六寸右側
文凡九字並反書出瑞安廿四都葢竹大墳山麓
今藏百晉精廬

孫詒讓按宋明帝泰始八年正月改元泰豫其年
歲在壬子太泰字通故此甄作太豫猶晉廢帝太
和紀元甄文多作泰和也又甄文廿七字下爲一
泉文其中從橫畫之若井字者而以日字綴於泉
文之下與前八字不相連屬馮氏浙江甄錄載寧
波所出漢永元十一年甄中亦有泉文二在元十

東區金石志 卷之一
二字之間與此甄正相類

齊

建元元年甄文

建元元年太歲己未八月十日□□

□三人並莖妹共作此璧□

右甄厚二寸長一尺五寸八分廣六寸七分右側
文凡十四字左側文凡十一字並反書出瑞安東

門外栖霞寺後山今藏百晉精廬

孫詒讓案建元紀元凡六

詳前晉建元甄文下

惟齊高帝以

宋昇平三年四月卽位改元建元其四年正直已

未與此甄合甄文葬作莖卽俗書莖字變體

詳後富公

相甄文姊作妹尤譌俗不合六書金石文字所未見

也

永明七年殘甌文

齊永明七年

右殘甌厚二寸下半斜斷廣長並不可計右側存文凡五字出瑞安廿四都蓋竹大墳山麓菜圃牆間今藏百晉精廬按齊武帝以建元四年壬戌卽位次年癸亥正月改元永明其七年歲在己巳

廬口孝甌文

齊建元口口年太歲乙口九月丁卯朔十日丙子哀子廬口孝建

右甌厚二寸二分長一尺五寸三分廣七寸五分右側文凡廿四字出永嘉東門內海壇山今藏百

晉精廬

孫詒讓按甄首僅存齊建二字攷齊明帝以延興元年甲戌十月卽位改元建武其二年歲在乙亥攷通鑑目錄及歷代長術是年九月丁卯朔與此甄正合則建下所缺者必武二二字也

富公相甄文二種

永泰元年太歲戊寅九月孤子富公相作墓母

永泰元年作 富公相墓母

右甄二種一厚一寸七分廣六寸八分中斷長不可計右側文凡十八字並反書一斜斷甄右側厚二寸左側厚一寸二分廣七寸上下篆文各五字出瑞安西門內西峴山巔今藏百晉精廬

孫詒讓按諸史以永泰紀元者凡二一齊明帝以
建武五年四月改元永泰其年歲次戊寅一唐代
宗廣德三年正月改元永泰其年歲次乙巳此甄
既云太歲戊寅則爲齊巽無疑是年七月明帝崩
此甄作於九月東昏侯寶卷卽位已三月矣富公
相人姓名元和姓纂四十九宥載富姓有陳留蘭
陵二望據此甄則六朝時永嘉固有此姓也甄爲
公相葬母所作而自稱孤子攷今人父亡稱孤子
母亡稱哀子蓋始於唐開元禮六朝以前則無此
區別故宋書廬陵王休若傳謝沈居母喪自稱孤
子袁粲傳粲丁母憂謂諸將曰孤子受先帝顧託
本以死報今日當與褚護軍同死社稷並以母喪

而稱孤子此甄亦然則知孤子之稱可通于父母之喪矣甄文寅作寅與北齊少林寺董洪達造象碑同唐石刻亦多如是作葬作葬與後魏司馬景和妻孟氏墓誌同並六朝時通行之譌體也

梁

天監元年殘甄文

天監紀元九月造楚

右殘甄厚一寸九分廣六寸下半斷失長不可計
右側存文凡八字出平陽門外鳳山今藏百晉精廬按梁武帝以齊中興二年壬午四月受禪改元天監是甄作於九月距受禪僅五月也

天監十年殘甄文

天監十年

右殘甄厚一寸九分廣六寸二分下半斷失長不可計右側存文凡四字並反書出瑞安東門外城隍殿街菜圃牆間今藏百晉精廬按天監十年歲在辛卯甄殘缺塵存首四字其年字下尙有殘畫諦窠似是十字或七字蓋紀月數也

普通二年甄文

梁普通二年太歲辛丑安曆吉利万世安隱

右斜甄右側厚二寸二分左側厚一寸一分長一尺七寸七分廣八寸二分左側文凡十七字出瑞安廿四都林與東壇山今藏百晉精廬

孫詒讓按梁武帝天監十九年庚子正月改元普

通說文厂部厝屬石也从厂管聲此輒作厝从尸
誤安厝卽安措之借字孝經喪親章云卜其宅兆
而安措之陸氏釋文載鄭注本作厝三國志蜀后
妃傳載諸葛亮請追諡昭烈皇后表云園陵將成
安厝有期又魏后妃傳裴注引魏書郭后哀策文
云背三允以潛翳就黃墟而安厝文選潘岳寡婦
賦云痛存亡之殊制將遷神而安厝並依鄭本迄
今相承猶有此語自唐明皇注孝經不依鄭本俗
語流傳迷其本始幾不知安厝之本孝經矣安隱
卽安穩毛詩大雅緜鄭箋云民心定乃安隱其居
釋文不爲隱字發音則六朝時
讀安隱字亦不爲烏本切也其見於碑版者漢
永平六年開通褒斜道石刻云益州東至京師去

就安隱

今所見拓本此二語泐失此據宋晏袤釋文

後魏永平四年

和寺尼道僧等造彌勒象記云清信女周阿足願

現世安隱又陶宗儀古刻叢鈔載梁大同六年孝

敬寺石志云現世兒孫長幼並願安隱古今法書

苑載王羲之帖亦有袁彭祖過江比想安隱耳之

語是安隱爲漢魏六朝人常語說文新附始有穩

字注云穀聚也一曰安也古通用安隱其字益出

六朝以後非古也

宋大廣益會玉篇禾部有穩字蓋宋人所增非顧氏元書所有

普通二年九月甄文

梁普通二年太歲辛丑九月廿日永口

右甄厚二寸五分長一尺五寸七分廣五寸七分

右側文凡十五字出永嘉東門內華蓋山今藏百

晉精廬甄上下端並有缺泐通二兩字正當泐處
廬存殘畫以太歲辛丑推之知其爲二年也永下
一字从宀似盜字其下疑尙有一字刻缺不可攷
矣

曹存基甄文

天大正始元年口子曹存基口基基

右甄厚一寸八分廣六寸五分中斷長不可計右
側文凡十五字並反書出瑞安二十四都廬浦今
藏百晉精廬

孫詒讓按甄首大字上多一畫類天字次字點畫
紐互初不辨其爲何字諦索之乃知作范時本爲
天正二字後乃改爲大始雖涂易繆錯而始字右

笏之女

輒火反書故左聲右形

及正字左半均明析可初浙

江輒錄載晉咸康八年輒文作咸康六年馮氏定

爲以四年舊范改作八年故筆畫複疊卽其例矣

攷梁書侯景傳簡文帝大寶二年八月景廢帝迎

豫章王棟卽皇帝位改元爲天正元年十一月景

又矯蕭棟詔禪位於己改元爲太始此輒之作適

在其月故改紀大始也

大太字通詳前大康輒文下

惟景傳載

是年十月景未篡位之先張彪攻永嘉太守秦遠

降彪

秦遠蓋景所署永嘉太守

南史張彪傳載彪起義時卽奉

表元帝是時元帝尙稱武帝太清五年則永嘉旣

屬張彪不宜復奉僞朔然彼時中原鼎沸數月之

開元號婁易一州之內正朔不同永嘉僻遠傳聞

不能翔實故誤以僞朔紀年亦事所宜有固不必以不奉太清舊號爲疑矣曹存基口基蓋兄弟二人同作贊治葬子上一字筆畫奇詭殊不可識葬作叁與前曹嗣祖甄文叁字略同

陳

天嘉殘甄文

天嘉二年

右殘甄厚二寸二分廣五寸五分下半斷失長不可計右側存文凡四字出瑞安東門外菜塍牆間今藏百晉精廬按陳文帝以永定三年六月卽位次年正月改元天嘉是年歲在辛巳

東甌金石志卷一